

太原府志

冊十二

太原府志卷四十九

祥異

洪範九疇度徵次八周禮保章氏觀雲物察妖祥不僅占侯已也所以示有位者恐懼修省敬天而勤民耳夫變不虛生惟德可弭故大戊修德而祥桑死宋景善言而妖星退休咎之不爽若此春秋之例災異必書董仲舒治春秋上書陳災異而賢良策對則曰善言天者必有驗於人是亦克謹天戒之意乎志祥異

周

唐叔得禾異畝同穎獻諸天子王命歸周公於東作歸禾  
周公既得命禾旅天子之命作嘉禾

襄王三年雨金於晉

太原府志

卷四十九

祥異

一

靈王二十三年八月癸巳朔日有食之既劉歆以爲六月

晉趙分

景王十一年春石言於晉魏榆晉侯問於師曠曰石何故言對曰石不能言神或馮焉不然民聽濫也抑臣又聞之曰作事不時怨讎動於民則有非言之物而言今宮室崇侈民力彫盡怨讎並作莫保其性石言不亦宜乎於是晉侯方築廡祀之宮叔向曰子野之言君子哉君子之言信而有徵

貞定王三年乙亥晉地震 六年戊寅晉河絕於河扈  
十有二年甲申晉河水赤三日 十五年七月彗星犯  
畢

考王八年彗星見於晉 十三年晉無雲而雷

威烈王三年晉大旱地生鹽冬十一月晉有大火下於北方其聲如鼓 四年四月晉大雨雪

烈王三年夏六月趙雨雪

顯王二年夏六月乙亥太白犯昴 七年大雨三月

慎靚王時月生齒齧畢大星趙尹史占有兵變趙君曰天下共一畢知爲何國也下史於獄其後公子牙謀逆如史所言 按榆次志載戰國趙文惠王時月生齒齧畢明年秦伐趙取榆次

秦

始皇元年封嫪毐爲長信侯以太原郡爲毐國宮室苑囿自恣政事斷焉故天冬雷始皇旣冠誅毐四月大寒民有凍死者 四年夏四月晉大雨雪 八年河魚大上

太原府志

卷四十九

祥異

二

劉向曰魚孽也傳以爲長安君之應

漢

景帝中三年正月丁亥金木合於觜觶爲白衣之會三月丁酉彗星夜見西北色白長丈在觜觶旦去益小十五日不見 中五年四月乙巳水火合於參 後二年秋晉大旱冬十月日月皆赤十二月雷日色如紫五星逆行太微月貫天街中

宣帝本始元年四月辰星與參出西方

元帝初元五年有星孛於參

哀帝建平元年十二月白氣出西南從地上至天出參下

貫天廁

東漢

章帝建初五年二月戊辰木火俱在參

和帝永元元年正月辛卯有流星起參長四丈有光色黃  
白古今注曰癸亥鎮在參 七年二月癸酉金火俱在  
參

安帝永初三年并州大饑人相食

順帝永和四年秋八月太原郡旱民庶流冗癸丑遣光祿  
大夫按行稟貸除更賦 六年二月癸未彗星昏見西  
北

建康元年九月丙午太原地震

靈帝建寧中羣狼數十入晉陽南城門嚙人

晉

武帝泰始元年白龍二見太原祁縣

太原府志

卷四十九

祥異

三

咸寧元年九月甘露降太原晉陽 五年鳳凰集於榆  
次

惠帝元康四年九月太原災風傷稼 五年九月太原榆  
次新興大風傷禾稼

永寧元年自夏及秋并州旱十月太原新興青蟲食禾  
葉

懷帝永嘉四年五月并州大蝗食草木牛馬毛皆盡

東晉

明帝太寧元年十二月并州大雪

成帝咸和七年太原大雨雹如鷄子大平地三尺人畜多  
死樹木摧折禾稼蕩然

穆帝永和三年并州前後進蒼麟十六白鹿七八月大雪

宋

孝武帝大明五年十月白雀見太原青州刺史劉道隆以

獻

北魏

道武帝天興二年七月并州獻白雉 四年二月并州再

獻白雉

太武帝太延元年十一月丁卯并州地震

孝文帝承明元年八月庚申并州鄉郡大雹平地尺草木

禾稼皆盡九月并州上言木連理相去一丈二尺中有

五枝相連

太和二年三月白燕見於并州七月丁卯并州地震有

聲 四年五月己酉并州地震 八年十一月丙申并

太原府志

卷四十九

祥異

四

州地震 十年正月辛未并州地震殷殷有聲 二十

年正月辛未并州地震 二十有二年九月辛卯并州

地震 二十有三年陽曲縣羊生羔一頭二身一牝一

牡三耳八足十月并州上言百節連理生懸甕山

宣武帝景明四年正月并州地震

永平元年三月己丑并州靄霜

孝明帝熙平元年十二月月暈東井觜參 二年初縣民

韓僧眞女令姬從母右脇而生

正光元年晉陽有虹爲女宇文顯進之異聲如鐘復爲

虹而去 三年六月并州靜林寺僧在陽邑城西橡谷

得玉璧五珪十印一玉柱一玉蓋一並以獻

孝莊帝永安二年晉陽龍見於井中久不去 三年五月

乙亥太白在參晝見

前廢帝普泰元年十月甲寅金火歲土聚於觜參甚明大  
晉魏之墟也是時渤海王歡起兵信都

出帝永熙元年十一月辛丑有大流星出昴北東南流灤  
畢貫參有聲如雷

東魏

孝靜帝天平二年十一月癸丑龍見并州人家井中 三  
年八月并州霰霜大饑 四年四月乙酉并州霜旱人  
饑八月并州獻嘉禾上言木連理

武定元年九月并州木連理 三年八月并州獻嘉禾  
冬并州地震 四年十一月辛亥高澄至晉陽有惡鳥  
集亭樹使斛律光射殺之 七月夏并州鄉郡地震

太原府志

卷四十九

祥異

五

北齊

神武爲晉州刺史時州庫角無故自鳴神武異之未幾自  
晉陽舉兵赴洛

文宣帝天保中幸晉陽路中頻有甘露之瑞朝臣皆作甘  
露頌

武成帝河清元年八月甲寅月掩畢其三年周師與突厥  
入并州 二年四月并州蟲旱傷稼遣使賑恤是年地  
震十二月大雨雪連月南北千餘里平地數尺霜晝下  
雨血於太原 三年晉陽訛言有鬼兵百姓競擊銅鐵  
以捍之 四年正月辛未幸晉陽三月彗星見有物隕  
於殿庭如赤漆鼓帶小鈴殿上石自起兩兩相對又有  
神見後園萬壽堂前山穴中有體壯大不見其面兩齒

絕白長出於唇直宿嬪御已下七百人咸見焉

後主天統三年并州汾水溢

武平二年并州獻五足牛 四年正月并州有狐媚多  
截人髮又擁土爲城雉之狀 五年五月大旱晉陽得  
死魃長二尺面頂各二目帝聞之使刻木爲形以獻  
七年八月丁卯幸晉陽雉集於御座獲之有司不敢以  
聞有鸛巢并州嘉陽殿并州招遠樓下有赤蛇與黑蛇  
鬥數日赤蛇死并州多狼而食人五行傳狼貪暴之獸  
大體以白色爲主兵之表也又似犬近犬禍也

北周

武帝建德六年十月月連暈規昴畢五車及參

隋

太原府志

卷四十九

祥異

六

文帝開皇元年太原獲蒼烏 十四年并州大蝗 十六  
年并州蝗

煬帝大業四年太原廐馬死者大半帝怒遣使案問主者  
曰每夜廐中馬無故自驚因而致死帝令巫者視之巫  
者知將有遼左之役因希旨言先帝令楊素史萬歲取  
之將鬼兵以伐遼也帝大悅因釋主者 十三年并州  
兵器夜有光如火六月鎮星贏而旅於參

恭帝義寧二年三月乙丑太原獻殺羊無頭而不死

唐

高祖武德初使子元吉畱守晉陽獲瑞石有文曰李淵萬  
吉築壇祠祀以少牢 四年太原尼志覺死十日而蘇  
高宗永淳元年嵐勝州兔害稼千萬爲羣食苗盡兔亦不

復見

武后垂拱三年春冀州雌雞化爲雄

長安元年并州文水縣猷水竭武氏井溢 長安中晉祠水赤如血

睿宗景雲二年正月甲戌并州地震壞廬舍壓死百餘人元宗開元十二年五月太原獻異馬駒兩肋各十六肉尾無毛 二十有三年冀州獻長人名李家寵長八尺五寸

天寶五載九月文水縣野蠶成繭

肅宗乾元二年七月嵐州合河關河三十里清如井水凡四日 三年四月丁巳有彗星色白長四尺東方疾行 歷畢昴觜觿參至右執法西凡五旬餘

太原府志

卷四十九

祥異

七

代宗永泰元年太原五色雲見嘉禾生

大歷五年八月太原獲白鳥白鵲各一獻之 七年九月太原嘉禾生十二月丙寅有長星出於參 十年九月戊申月暈熒惑畢昴參東及五車暈中有黑氣乍合乍散十二月丙子月出東方上有白氣十餘道如匹練貫五車及畢觜觿參中夜散去占曰其宿則晉分也

德宗貞元十二年四月嵐州暴雨水深二丈

文宗太和四年秋七月太原饑 五年春太原旱

宣宗大中六年三月有彗星出於觜參 十二年八月丁巳太原地震

懿宗咸通七年秋九月太原嘉禾生 十四年四月太原晉陽民產子二頭異頸四手聯足



僖宗廣明元年六月乙巳太原大風雨拔木千株害稼百  
里

中和元年五月辛酉李克用戰於晉王嶺陷榆次陽曲  
而退是日大風天雨土 二年九月太原桃李實

文德元年太原大風雨拔木

昭宗天祐四年太原城門自壞

五代

後漢乾祐二年五月太原進白鳥

宋

太祖開寶二年三月帝駐太原城下大風一夕而止

太宗太平興國九年十月嵐州獻牝獸一角如鹿角端有  
肉性馴善人不能辨示羣臣叅驗以聞徐鉉滕中正王

太原府志

卷四十九

祥異

八

祐等引國史以爲祥麟宰相宋琪等表賀

端拱二年并州民侯遠妻一產三男

眞宗咸平二年嵐州春霜害稼發粟賑之八月榆次縣民

周貴田禾三莖共穗

景德二年九月并州貢嘉禾圖

大中祥符七年八月嵐州牙吏燕青田禾一莖八穗一  
莖五穗

仁宗景祐四年十二月甲申并州地震壞廬舍覆壓吏民  
死者千八百九十人遣使撫存其民賜死傷之家錢有

差

寶元元年正月庚申并州地震

神宗熙寧元年十二月嵐州獻白鹿 九年七月太原府

汾河夏秋霖雨水大漲秀容縣間四壟皆異壟同穎

哲宗紹聖元年六月太原府地震十一月丙戌太原府地

震 二年嵐州禾合穗 三年嵐州禾兩根合穗者二

又禾異畝同穎合秀至九穗 四年六月己酉太原府

地震有聲

元符二年八月甲戌太原府地震 三年五月己巳太

原府又震

徽宗建中靖國元年十一月辛亥太原府屬岢嵐嵐州地

震彌旬晝夜不止壞城壁屋宇人畜多死自後有司多

抑而不奏

崇寧元年春正月丁丑太原等十一郡地震詔賜錢有

差 五年岢嵐軍禾合穗

太原府志

卷四十九

祥異

九

大觀二年十二月岢嵐軍園池生瑞禾會陝州河清宰

臣等表賀

政和四年三月岢嵐木連理

宣和元年十二月嵐州黃河清

孝宗乾道九年正月庚午白氣見西北方出奎入參三月

戊辰白氣如帶自參及角東西亙天

遼

太宗會同四年九月壬申有星孛於晉分

金

熙宗皇統三年七月庚辰太原路進獬豸并瑞麥

世宗大定四年七月嵐州進白兔 二十九年冬十二月

嵐州饑

章宗承安元年六月乙丑平晉縣民利通家蠶自成綿段  
長七尺一寸五分濶四尺九寸詔賜絹十疋  
興定三年五月壬子太白晝見於參

元

世祖至元元年夏四月壬子太原大旱民饑遣西僧祈雨  
二年八月太原雨雹隕霜 四年十月辛未太原進  
嘉禾二本異畝同穎一十二年太原路旱 二十四年  
太原靈雨害稼屋壞壓死者衆 二十五年陽曲縣雨  
雹十二月太原路河溢害稼 二十七年秋七月太原  
隕霜殺禾 二十八年三月太原路饑民流移就食有  
饑而死者五月辛亥太原饑免本年田租

成宗元貞元年七月太原路旱 二年五月太原平晉水

太原府志

卷四十九

祥異

十

六月太原雹七月又雨雹蝗十二月太原旱

大德元年六月太原風雹 六年八月太原隕霜殺禾

七年二月太原饑減直糶糧以賑之五月太原饑八  
月辛卯夜太原地震村堡移徙地裂成渠人民死者不  
可勝計遣使分道賑濟仍免本年差稅徐溝祁縣亦地  
震成渠泉湧黑沙 八年陽曲大風雨雹害稼人有死  
者八月交城陽曲管州嵐州雨雹隕霜殺禾 九年五  
月癸亥地震改太原路爲冀寧六月冀寧大雨雹害稼  
十年閏正月冀寧路地震不止 十一年八月冀寧  
路地震文水祁縣水

武宗至大二年十二月陽曲縣地震有聲如雷 三年十

二月戊申冀寧路地震 四年七月太原霖雨傷稼

仁宗皇慶二年二月冀寧路饑五月又饑

延祐元年七月冀寧隕霜殺稼八月丁未冀寧路地震  
壞官民廬舍 三年九月己未冀寧路地震 四年正  
月壬戌冀寧地震秋七月辛卯又震

英宗至治三年五月冀寧大旱七月冀寧路屬縣隕霜

泰定帝泰定元年五月陽曲雨雹傷稼 四年十一月辛  
卯陽曲地震

致和元年五月冀寧路屬縣雨雹

文宗天歷二年七月陽曲雨雹大者如雞卵十二月甲午  
冀寧路旱饑賑糧二千九百石

至順二年七月冀寧自夏至於是月不雨 二年四月  
冀寧路屬縣皆旱不能種告饑七月冀寧路屬縣雨雹

太原府志

卷四十九

祥異

十一

傷稼 三年陽曲旱

順帝至元二年榆次饑 四年夏太原大旱 五年春正  
月冀寧路交城等縣饑賑米七千石

至正元年九月己丑冀寧路嘉禾生異畝同穎 二年

春三月冀寧路饑賑糶米三萬石夏四月辛丑平晉縣  
地震聲鳴如雷裂地尺餘民居皆傾八月冀寧路饑賑

糶米萬五千石 十年七月徐溝地震 十一年夏四

月壬午冀寧路屬縣多地震半月乃止五月癸丑文水  
縣雨雹七月文水平晉大水汾河汎溢漂沒田禾數百

頃 十三年四月榆次雨毛如馬鬃 十四年八月榆  
次桃李花 二十四年九月癸酉冀寧平晉縣西北方

至夜天紅半壁有頃從東而散 二十六年秋七月辛

已朔徐溝地震辛亥又震有壓死者 二十七年秋徐溝大風雨雹拔木害稼 二十八年六月徐溝地震閏七月乙丑文水縣白虹貫日自東北直遶西南雲影中似日非日如鏡者三色青白逾時方没

明

洪武四年太原古城將建晉邸椽礎既具一夕大風盡壞乃移建於府城 十四年夏交城水

永樂三年祁縣民王文義馬生龍駒 十年六日交城水溢城多傾圮 十三年徐溝金嶽二水泛漲入城淹溺甚衆

正統六年太原歲稔徐溝黑青民間夜擊銅器以捍之景泰二年七月十七日榆次甘露降大成殿前楸樹上歲

太原府志

卷四十九

祥異

十二

大熟

天順四年三月二十日太原甘露降有司以聞

成化二年十月嵐縣饑 六年三月朔太原大雨雹傷稼  
岢嵐嘉禾一莖五穗 八年春正月陽曲雨雹五月太原地震七月又震榆次太谷祁縣雨雹傷禾歲大饑人相食 九年春三月太原府屬地震秋七月再震聲如雷 十六年文水饑 十八年文水饑 二十二年八月榆次雨雹如鵝卵岢嵐饑 二十三年太原饑

宏治四年文水河溢害禾稼廬舍 六年十月榆次地震有聲 十年太原霪雨積旬榆次孫家山南移二十里許 十四年正月清源大水七月太原崇聖 碑無故吼三日夜汾水泛漲碑入汾河中濱河村落湮沒殆盡

大無麥禾 十五年七月榆次大水 十七年春榆次  
太谷旱 十八年榆次太谷旱禾盡稿

正德元年夏六月太原閒居寺山移數十步土人見有物  
如羊一目一角雲霧數日方散 三年六月岢嵐太谷  
水壞城垣及廬舍 四年冬十月岢嵐南川口天雨小  
魚數十尾食之殺人興縣獲白鹿以獻 五年夏四月  
榆次五色雲見 六年太原交城黑眚居民咸鳴鈺鼓  
燃燈達旦彌月乃止 七年六月太原黑青乘暗傷人  
形如犬民間夜燃火擊金鼓以禦兩月化白氣蔽日西  
去文水太谷交城祁縣亦時見旬餘乃息 八年夏五  
月太原黑青見五晝夜始滅六月榆次旱忽風雷大作  
拔木百餘株 十一年夏六月霪雨水溢榆次縣西南

太原府志

卷四十九

祥異

十三

居民淪圯 十三年五月榆次雨雹害稼 十四年春  
有鸛巢於太原高氏之廬文水祁縣瑞穀一莖四穗  
一十六年太原汾河水溢河舊在史家莊東一夕倏移西  
是歲太原饑

嘉靖元年八月太原陽曲榆次清源地震 三年太谷佛  
谷里山崩居民陷没先是山谷有聲如雷人畜避徙者  
得免 四年夏四月太谷雨雹如雞卵 七年四月有  
杜鵑鳴於太原晉祠五月祁縣文水雨雹傷麥榆次旱  
九月清源鄉賈家山崩數十丈冬十月十二日太原流  
星隕光燭地有聲墮而復起入斗口至日出方滅十二  
月太原榆次白虹亘天逾月而散 八年春二月二十  
三日太原日三珥六月太原榆次祁縣蝗食稼秋七月

崑嵐甘露降白如酥甘如蜜人爭食之三日乃止 九年太原彗星見 十年夏崑嵐雨雹大如碌軸毀民居斃生畜樹無遺枝赤地千里 十二年四月太谷大雪百卉凍死五月祁縣空中有聲如雷隕一石狀若犬首冬十月陽曲太原榆次太谷祁縣清源星隕如雨光若火天盡赤交城文水徐溝太谷大饑道殣相望太谷桃李冬華黑眚復見 十四年四月文水麥秀二岐或三四岐甚至十八岐者 十五年七月文水蝗不爲災榆次大稔 十六年春正月大水祁縣地震太谷崑嵐蝗十七年陽曲太谷地震屋瓦皆鳴五月黑氣蔽空如夜六月太谷雨雹大如斗冬榆次桃李花 十八年陽曲地再震 十九年太原清源桃李冬花 二十年夏

太谷中正坊槐上黑白鴉爲羣六月交城靈雨傷稼榆次涂水湧溢四十餘里詔免田租清源鄉大水城西門壞秋八月榆次民家生犬耳目各四足有八 二十一年七月榆次龍起於城東隅雉堞有煙痕祁縣小韓村平地湧泉 二十二年夏榆次大疫祁縣民王世有妻李氏一產三男一女俱成 二十三年文水疫榆次文水祁縣大水傷稼 二十四年四月太原府屬好疔生秋八月隕霜損稼詔免租交城旱十一月太原水冰榆次冬無雪里民劉廣孝妻一產三男 二十五年春正月榆次城南門火經夕不滅五月太原雨雹如拳是歲榆次有狼盛集於野嚙兒童數九月榆次民趙懷龍妻一產三男冬太原木冰 二十六年八月文水祁縣

雨雹 二十七年夏四月陽曲有赤風自縣北來天地  
晦冥咫尺不辨夜一鼓始霽文水交城大稔 二十八  
年八月文水嚴霜傷稼 二十九年夏四月交城文水  
祁縣岢嵐風霾晝晦六月大水汾河西徙秋八月太谷  
隕霜損稼二十九日陽曲夜有鬼火如列炬自西南往  
東北長二三十里人皆見之 三十一年岢嵐地震  
三十二年興縣水摧西南城隅六月文水汾河徙害稼  
交城清源大水太谷隕霜殺稼 三十三年岢嵐城東  
道左有甲冑十餘副製殊大農行者皆見之俄失所在  
三十四年十二月太原榆次地震祁縣民薛明妻一  
產三女 三十六年二月太原郡屬地震 三十七年  
五月榆次雨雹損麥交城地震 三十九年太原府屬

太原府志

卷四十九

祥異

十五

大旱歲饑 四十年夏六月陽曲太原榆次祁縣大饑  
四十一年徐溝大稔 四十二年十二月太原古城  
現影 四十三年五月十五日夜半太原天鼓鳴三聲  
東北有光榆次大稔 四十四年陽曲廩生郭登高獲  
白兔以獻賜金帛十二月十二日太原地震 四十五  
年祁縣蝗太原晉祠山移旣而市樓火十二月朔太原  
見日三珥

隆慶元年夏榆次疫詔免四年田租冬十月太谷木冰十  
日不解 二年陽曲黑眚六月興縣龍起震死人民榆  
次雨雹傷稼 三年交城雨雹大風拔木六月祁縣妖  
氣傷人 四年冬祁縣木稼 五年祁縣疫榆次稔冬  
十一月徐溝冰堅尺許有虬出自冰底由城東北抵西



南城垣長五十餘丈濶五尺其旁冰擁高二尺 六年五月祁縣風霾晝晦如夜地震有聲六月朔日食雨雹大風拔木十六日酉時太原見西北天裂須臾而合越三日天鼓鳴又七日日三環有妖數驚人數月而止秋

### 文水蠹

萬歷元年太原府學文廟生瓜蔓綿丈餘結瓜十一是科雋者如其數時以爲瓜瑞 四年夏太原晉祠山移數步七月祁縣雨雹 六年彗星見於西方長竟天陽曲大風摧折鎮朔門第三城樓交城文水饑榆次小峪口山上有聲如雷水驟發漂民舍溺者四十餘人 八年彗星見於東南秋七月雨雹太原太谷文水岢嵐清源大疫詔免秋糧十之七榆次涂水漲毀民廬舍太原文

### 太原府志

#### 卷四十九

祥異

十六

水地震有聲 九年陽曲榆次祁縣交城文水疫五月榆次風雷拔木 十年春二月祁縣地震榆次旱秋七月始雨至十月無霜禾大熟 十一年四年榆次朱宦妻一產三男 十二年清源城東夜輒見火遷移明滅不常越月迺止五月榆次雨雹傷麥 十三年秋七月榆次蝗交城徐溝興縣大饑 十四年太原郡屬大旱赤地千里餓莩盈野疫癘死者枕籍三月發帑賑之八月交城空中有火大如斗自西北墜東南 十五年秋七月岢嵐隕霜交城隕火大如斗狼羣行噬人知縣令民捕一狼予穀一石始遁嵐縣北市火燬民居廟宇幾半 十六年太谷雨雹大如雞卵歲禊交城大雨水九月岢嵐天鼓鳴三日星隕爲石青黑色長三尺餘形如

枕榆次大有年 十七年太原地震榆次歲稔 十九年冬十月長至夜清源地震 二十一年太谷雨雹傷稼 二十三年陽曲大風拔木 二十四年秋八月文水隕霜殺禾 二十六年夏四月榆次好舫食苗畝嵐疫 二十七年閏四月榆次牛村大雷雨水發漂沒男女二十餘人八月榆次中郝村靈芝一本五色成龍鳳形 二十八年春正月榆次有火光如斗墜於西南聲如鼓夏五月文水大雨雹損麥 二十九年陽曲榆次文水清源大旱 三十年夏陽曲大饑 三十三年汾水徙文水縣東 三十四年夏五月陽曲大雨雪十二月太原晉邸火初六日地震 三十五年夏四月太原汾水漲於府城東二十里形如環占者主發科是歲雋

太原府志

卷四十九

祥異

十七

十人榆次大有年 三十六年二月陽曲大風壞城北樓冬陽曲沙河街槐樹無故自火 三十七年四月十日府城鼓樓瓦獸出烟自四月不雨至明年五月榆次至秋不雨歲大饑火災四見 三十八年春二月陽曲星隕大如斗光燭夜通明天鼓大鳴三月民路汝臣妻一產三男夏四月十二日地震秋七月再震府屬旱饑九月疫癘多喉痺一二日輒死 三十九年陽曲有童子九歲生鬚身多毛 四十一年春三月陽曲大水四十二年秋九月陽曲地震有聲如雷越八日再震交城大有年 四十三年交城有年 四十四年夏四月文水飛蝗蔽天食禾立盡 四十五年春正月朔文水火 四十六年冬陽曲彗星見出東南直冲紫微垣白

氣長丈餘五十日始沒 四十七年春二月陽曲風霾  
晝晦夏四月祁縣風霾

天啟三年正月甲寅榆次中晝晦岢嵐地震 四年八月  
文水嚴霜殺禾 五年夏六月文水旱交城文水饑  
六年秋榆次隕霜殺禾

崇正元年清源大水 二年三月交城西山大足村突起  
橫山十餘丈五月岢嵐雨雪 五年五月交城駐防兵  
集東關曹店將謀不軌夜忽有火突入店中與謀者皆  
死店屋無恙 七年夏流星出參宿間有聲紅光如縷  
直垂至地良久乃滅文水無雲而雷興縣大疫 九年  
春三月陽曲有鷺鷥巢於城樹交城蝗 十年夏文水  
旱 十一年陽曲文水大饑 十三年陽曲有訓狐惡

太原府志

卷四十九

祥異

十八

鳥名

巢於鼓樓西角榆次旱秋七月太谷蝗是年省郡  
大饑斗米千錢人相食 十四年二月陽曲文水大饑  
六月榆次蝗 十五年六月陽曲文水饑 十六年春  
二月太谷城西榆樹生白鴉二鴟鳥數百集城東南雉  
堞隊伍肅然若守陴狀塔鈴無風輒動鏘然有聲 十  
七年春正月朔陽曲赤日無光紅色竟天

國朝

順治元年冬

大兵取太原日有五色祥光 二年春二月榆次靈芝生  
交城麒麟生文水縣牛生一犢遍身鱗甲文水大有年  
三年文水祁縣蝗榆次大稔 四年太谷祁縣岢嵐  
蝗賑卹有差太谷桃李秋華 五年陽曲太白經天太

原祁縣文水岢嵐水秋太谷桃李花茂 六年三月陽  
曲蝗秋文水地震 七年太谷岢嵐蝗 八年夏五月  
祁縣雨雹大如拳秋祁縣杏復花里民王正名妻一產  
二男一女 九年陽曲祁縣嵐縣雨雹秋九月徐溝祁  
縣杏復花 十一年春正月陽曲見流星貫月秋七月  
榆次交城文水疫 十二年夏四月文水旱 十三年  
徐溝蝗不爲害文水大稔 十四年春正月文水汾峪  
二河水溢 十五年夏五月文水雨傷禾 十六年秋  
文水大稔 十七年六月清源大水衝圯城北門樓  
康熙元年岢嵐獲白鹿夏五月乙亥陽曲初昏月在兌有  
星貫月而出秋八月徐溝文水大有年 二年秋七月  
交城水 三年太原岢嵐饑奉

太原府志

卷四十九

祥異

十九

旨蠲免本年地丁錢糧仍發帑賑濟冬十月陽曲彗星見  
四年秋七月乙酉朔文水大風 五年四月榆次地震  
十一月文水有年 六年夏六月文水雨傷禾冬文水  
無雪 七年春陽曲白氣亘天從庚方指巽位形如匹  
練有星如斗冬十月地震岢嵐旱 八年夏四月榆次  
太谷雨雪九月榆次民段益俊妻一產三男 九年春  
文水旱十月乙酉朔交城泮池澂清徹底七晝夜 十  
年榆次地震文水大有年 十二年榆次麥秀兩岐冬  
陽曲無雪 十三年夏五月陽曲地震 十五年榆次  
稔 十九年秋七月陽曲雨雹府屬饑奉  
旨免夏稅之三 二十年陽曲疫奉

詔遣使賑濟仍全蠲歷年逋賦并本年地丁錢糧秋府屬大

稔 二十一年榆次疫 二十二年冬十月榆次交城  
地震奉

旨賑卹并免次年錢糧三之一 二十三年交城汾河泛漲  
平地水湧數尺 二十六年榆次大有年 二十七年  
榆次大有年 三十一年徐溝三河水溢奉

旨詔所司撫卹 三十二年秋七月徐溝水傷禾免本年錢  
糧之三 三十三年榆次麥秀兩岐太原大稔 三十  
四年四月太原地震六月榆次地震奉

旨發帑散賑又給貧民修葺屋銀每間一兩 三十五年夏  
嵐縣饑 四十二年四月太原奉聖寺山移數步 四  
十三年冬交城木稼 四十五年十月興縣民徐嘉慧  
妻一產三男 四十七年府屬連歲大有秋七月交城

太原府志

卷四十九

祥異

二十

縣署牡丹盛開 四十八年三月甲申徐溝雨泥如珠  
五十一年榆次有年 五十二年太原靈芝生夏五  
月太谷民間珂妻一產三男 五十八年七月興縣民  
趙自顯妻一產三男 五十九年六月榆次地震 六  
十年七月太原大雨雹

雍正元年徐溝祁縣饑

詔賑濟榆次晚禾熟 三年太原汾水溢 四年郡屬大有  
年十二月丙寅興縣黃河澄清自口外界達山西境凡  
二千餘里越明年正月己亥庚子始復 五年四月榆  
次疫秋八月郡屬大有年陽曲嘉禾一莖二三穗至五  
六穗 六年興縣民任萬福妻榆次民劉志隆妻並一  
產三男是歲郡屬大稔 七年六月文水大雨汾水溢

自青高村至尹家社關渠二道袤二十五里時方以縣境河形紆曲中隔乾灘率多水患甫議疏濬而河流倏湧引渠直達漕河經流無滯居民行旅咸稱瑞應冬十一月壬申興縣慶雲捧日外繞三環光華四射自辰至午照耀三時是歲郡屬大稔八月

特詔以山西連歲豐登免通省庚戌年地丁銀四十萬兩以示勸勵 八年郡屬大稔 九年夏郡屬大有麥秋禾大豐瑞穀盈野 十年榆次有年 十一年榆次大稔 十三年榆次有年

乾隆元年榆次有年 五年榆次有年 九年太原大稔 十年秋郡屬旱 十三年太原汾河溢夏太原麥熟 一夕穗皆空榆次有年十一月火星流於西南有聲太

太原府志

卷四十九

祥異

二十一

原文廟西廡災 十四年郡屬有年 十九年夏四月太原地震縣鼓樓簷角毀秋八月太原大風拔木九月太原桃李花有實衆樹皆生新葉 二十四年太原大旱陽曲小返村平地起山井中生蓮 三十三年秋七月太原大雨河水漲溢 三十四年夏六月祁縣大風拔木 三十六年二月朔太原大風晝晦 四十年二月二十二日日旁有兩珥 四十三年太原正月至五月不雨八月大風 四十五年四十六年太原府屬縣皆大有年

